

Boq Roq (Betyaem Guengjsae)

□ Daegyngz Godoq comz hoiz



▲ Doengh' aen betyaem.



▲ Banbetyaem cingq yienj betyaem.

"Betyaem Guengjsae" youh heuhguh "betyaem baihnanz Guengjsae", dwg ndawbiengz Cungguk cungj yinhoyz boq roq(daz) doengh-aen oksing ndeu, dingzlai cienzlah youq Namzningz, Yilinz, Gveigangz, Ginhcouh, Vuzcouh, Hocouh daengj gij dieg Bouxgun, Bouxcuengh, Yauzcuz comzyouq.

Aenvih aeu gyong, laz, boz, dig, siu, yienz, gimz, moegyawz daengj bet yiengh yozgi (doenghyiengh fatsing) yienj betyaem, neix vunzlai couh heuh betyaem Guengjsae guh "betyaem". Moix aen banboqroq aeu 6 daengz 8 boux gyoebbaenz, guh boq roq seizhaenz, yienj gijmaz, mbaek gonqlaeng caeuq aen boq roq cungj aeu haeujsim senj ndei dingh ndei. Guh boq roq gaxgonq, aeu rox yienj hawj bouxlawz dingq caeuq youq gizlawz yienj, youq giz couxbawx (baehaq), hai ranzcai roxnaeuz saeh'wnq, ciuq gijneix daeuj dingh hab yienj cit go lawz, liuxle ciuq "gyaeulungz" "hwetguk" "rieng-fungh" sam mbaek gonqlaeng neix daeuj boq roq. Ndawde bouxak bouxdaeuz vixyinx daengx aen ban

baenzlawz boq roq.

Gak dieg doenghij cungjloih boq roq mbouj doxdoengz, neix Betyaem Guengjsae youh baengh gijneix faen baenz hauilai cungjloih iq. Gyoengq bouxyienj baenzlawz boq roq betyaem ne? Geij bouxyienj doengzdoh doxboiq boq roq, youh faen baenz naengh daengq boq roq roxnaeuz doq byaij doq boq roq. Vunzbiengz yienj betyaem miz maz yungh ne? Dingzlai couhdwg vunzbiengz hoh ranzmoq guhbaenz, couxbawx haqlwg, hai ranzcai, hoh ndaejgyaeu, heijguh saehhung, gvaq ciety, couxhek daengj, lij coengh fouxlungz, fouxsaeciej, yienj heiq ndawbiengz, diuqfou daengj hozdung boiqyaem, vanzlij dangguh cezmuzyouq gwnz daizheiq yienj hawj vunzlai yawj. Betyaem Guengjsae sing ndei yaem hoengh, lai cungj lai yiengh, hwnghoengh dangqmaz, vunzlai gyaemaij lailai.

Betyaem youq Yilinz mbouj doxdoengz lai, vunzlai dangdieg miz coenz vah ndeu heuhguh "Ndae noix geij daiz laeuj, deng aeu daiz boq roq". Coenz vah neix dwg lwnh vunzbiengz betyaem ndaej vunzlai dangdieg gyaemaij dangqmaz bae. Youq Yilinz, langhnaeuz ranz lawz banh saehhung, cungj cingj banbetyaem daeuj boq roq mbat ndeu. Vunzbiengz couxbawx haqlwg, baiq-

souh, guh rimndwen, gvaq ciety, guh hoihmiuh, gvaqcieng daengj cungj cingj vunz daeuj yienj betyaem.

20 sigij 50 nienzdaih, betyaem Yilinz bae daengz Baekging yienj le ndaejciengj. 20 sigij 80 nienzdaih, miz vunz song baez dawz betyaem bae camgya Guengjsae aenciet ciengqgo diuqfoux Sam Nyied Sam, yienj betyaem, aenvih hingzik betyaem linghag lai, singdiuh ndeidingq lai, neix hawj betyaem ndaejciengj lo, vanzlij ndaej gyoengq bouxsughangz yinhoyz ndaw guk rog guk haenh ndei lailai.

2011 nienz 5 nyied 23 hauh, betyaem Guengjsae ginggvaq Gozvuyen baecin, ndaej liedhaeuj daihsam buek gukgya gaep feihvuzciz vwnzva yizcanj gya'gvangq mingzloeg.



▲ Vunzlai gyaenz yawj maij dingq betyaem.



▲ Vunz Bouxcuengh cingq naengh yienj betyaem.



▲ Youq ndaw hoihmiuh yienj betyaem.



▲ Roq doengh' aen, sim haeng angq.



▲ Naengh yienj betyaem.



▲ Betyaem haeuj ndaw hagdangz.



▲ Bouxsaefouh daiq geij bouxnyez Bouxcuengh boq roq betyaem.